

## Saksprotokoll i utval for opplæring og helse - 07.04.2016

**Roald Kvamme**, leiar for fagskulestyret i Hordaland, orienterte om fagskulane.

Fylkesdirektør eigedom, Jostein Fjærrestad, og overingeniør Ragnhild Aak Skajaa orienterte om eigedomsavdelinga og arbeidet med universell utforming.

### Arbeidsgruppe for rekrutteringstiltak

Utval for opplæring og helse gjorde slikt vedtak 19.03.2014:

«Opplærings- og helseutvalet sluttar seg til forslaget om å oppretta ei ekstern arbeidsgruppe som har til føremål å samarbeida om rekrutteringstiltak for å møta utfordringane i helse- og omsorgssektoren.»

Fylkesdirektør opplæring bad utval for opplæring og helse om å nemne opp ein politisk representant til arbeidsgruppa.

**Emil Gadolin (A)** sette fram slikt forslag:

«Linda Haugland Jondahl vert politisk representant i arbeidsgruppa.»

### Røysting

Gadolin sitt forslag vart samrøystes vedteke.

### Vedtak

Linda Haugland Jondahl vert politisk representant i arbeidsgruppa.

### Ymse

Fylkesdirektør opplæring informerte utvalet om at det vert **endra framdrift for skulebruksplanen** som tidlegare var planlagt å sendast ut på høyring 01.05.2016. Fylkesrådmannen har bede om at den vert lagt fram for fylkesutvalet. Utval for opplæring og helse slutta seg til dette. Skulebruksplanen vert difor sendt på høyring etter fylkesutvalet 19.05.2016, med frist 01.07.2016.

**Katrin Innvær Ankervold (A)** spurde om det var mogleg at tala om søkjarmasse og reelt inntak til skular vert lagt fram i eit kart. Fylkesdirektør opplæring skal prøve å presentere eit slikt kart i samband med høyringa om skulebruksplanen.

**Solbjørg Marjala (R)** bad om informasjon om Media City Bergen (MCB) og om avtalar mellom MCB og Hordaland fylkeskommune. Fylkesdirektør opplæring informerte om at det ikkje er nokon avtale mellom MCB og Hordaland fylkeskommune, men at det er ein samarbeidsavtale mellom Universitetet i Bergen og Hordaland fylkeskommune. Utval for opplæring og helse vert informert dersom det vert aktuelt å inngå ein avtale med MCB. Vedkomande informasjon om MCB, må representanten vende seg til MCB, eventuelt til Entra som eig bygget.

**Solbjørg Marjala (R)** ønskjer informasjon om kontakten mellom Hordaland fylkeskommune og Bergen kommune i samband med sakar om Fana gymnas. Fylkesdirektør opplæring opplyste dette er offentleg tilgjengeleg informasjon. **Dan Stian Femoen (H)** bad om at eigedomssjefen orienterer om kontakt vedkomande Fana gymnas på utvalsmøtet i mai.

**Solbjørg Marjala (R)** sette i førre møte fram slikt forslag til brev til kunnskapsministeren:

"Brev til Kunnskapsdepartementet v/ minister Røe Isaksen.

I De siste årene har der vært et stort overskudd av elevplasser innenfor studiespesialiserende

retning i Bergensområdet. En løsning for å redusere overskuddet er å dra inn konsesjonen fra en privat videregående som har brutt loven. Dette i henhold til friskoleloven, paragraf 7.2a:

#### § 7-2 a. Moglege reaksjonsformer

Dersom det blir oppdaga forhold i strid med denne lova, i strid med forskrifter gitt med heimel i lova eller i strid med føresetnadene for godkjenninga, kan departementet gi pålegg om å rette på forholda.

Departementet kan halde attende tilskotet eller dra godkjenninga attende dersom vilkåra i denne lova, vilkår i forskrifter gitt med heimel i lova eller føresetnadene for godkjenninga ikkje blir fylte. Departementet kan òg kreve attende for mykje utbetalt tilskot, og tilskotsmidlar som er brukte i strid med denne lova, i strid med forskrifter gitt med heimel i lova eller i strid med føresetnadene for godkjenninga.

Første og andre ledd gjeld også dersom det er oppdaga forhold i strid med andre lover og forskrifter, og forholdet svekker tilliten til skolen.

Ved bruken av reglane i første og andre ledd skal det leggjast vekt på dei verdiane som følgjer av § 1-1 andre ledd.

En privat videregående skole i Bergen, Bergen Private Gymnas (BPG), har ca. 500 elever. Mange av disse er innenfor den studiespesialiserende retning. Allerede i 2013 ble det klart at denne skolen hadde brutt friskoleloven ved å ta ut profitt fra skolen (BT 21.juni 2013).

Utdanningsdirektorat har derfor krevd tilbakebetalt disse pengene. Ikke overraskende ville ikke ledelsen ved denne (og skoler i samme konsern) betale tilbake (Aftenbladet 17.juni 2015). Saken ventes å komme opp i rettsapparatet første halvdel av 2016.

Dersom Utdanningsdirektoratet får medhold ber Utvalget for helse og opplæring Kunnskapdepartementet ved minister Røe-Isaksen om å inndra konsesjonen med umiddelbar virkning.»

13 av representantane (alle unntatt SV og R) røysta mot at forslaget skulle realitetsbehandlast. Forslaget vart dermed ikkje realitetsbehandla, jf. kommunelova § 34 nr. 1, 2. setning.

**Daniel Charles Hextall (SV)** sette på vegner av SV fram slikt oversendingsforslag til fylkesrådmannen:

«Hvor langt har Hordaland fylkeskommune kommet i prosessen av ansettelsen av et elev- og lærlingmbud?»

Vil et ombud være ansatt innen skolestart i høst?»

Fylkesdirektør opplæring opplyste at det kjem ei sak om rammene for tilsetjinga i utvalsmøtet i mai.

Daniel Charles Hextall trekte forslaget sitt.

**Emil Gadolin (A)** sette fram slikt forslag:

«Utval for opplæring og helse ber administrasjonen vurdere ei mogleg namneendring av Årstad videregående skole. Skulen er i stor endring, der ein i framtida vil vere ein kombinert skule i nye, oppdaterte bygg. Ei namneendring vil kunne synleggjere denne utviklinga overfor skulen si målgruppe.»

**Dan Stian Femoen (H)** ber om at kostnadene med ei namneendring vert gjort synleg i saksutgreiinga.

**Tor Andre Ljosland (KrF)** ønskjer at namneendringa vert sett i samanheng med namna på dei andre vidaregåande skulane.

## Røysting

Gadolin sitt forslag vart samrøystes vedteke.

## Vedtak

Utval for opplæring og helse ber administrasjonen vurdere ei mogleg namneendring av Årstad vidaregåande skule. Skulen er i stor endring, der ein i framtida vil vere ein kombinert skule i nye, oppdaterte bygg. Ei namneendring vil kunne synleggjere denne utviklinga overfor skulen si målgruppe.